



17. uagust 2012

UKA 2012/70

Inatsisartut Suleriaasianni § 33 naapertorlugu aalajangiiffigisassatut siunnersuut imattoq matumuuna saqqummiupparput:

Nunatsinni innarluutillit pisortat namminersortullu suliffeqarfutaanni ajornannginnerusumik sulilersinnaanissaat aqqutissiuunneqaqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut
 (Inatsisartunut ilaasortat Siverth K. Heilmann aamma Knud Kristiansen, Atassut)

Tunngavilersuut:

Periuseq naliginnaasoq atorlugu nunatsinni innarluutillit amerlanerit siusinaartumik sulisinnaajunnaarnersiuteqartinneqalertarput.

ATASSUT-mi isumaqarpugut nunatsinni pisortat sulifeqarfutaat aammalu namminersorluni suliffeqarfait innarluutilinnik sulisoqarnissaminnik suli tunuarsimaarpallaartartut.

ATASSUT-mi illu isumaqarpugut pisortat tungaanniit inatsisitigut periarfissiinerup annikippallaarneranik ilaatigut pissuteqartoq, inatsisillu sinaakkusiunneqartut ataatsimut isigalugit periarfissakitsimmata, soorlu fleksjob-qarsinnaaneq, kittaartumik piffissalluunniit ilaannaal sulisoqarsinnaanermut tunngatillugit.

Soorunami ilaatigut maanna maleruagassat aallaavigalugit ajornangereerpoq, taamaattorli piginnaanngorsaqqinnej tunngaviunerulluni.

ATASSUT-miit isumaqarpugut nunatsinni innarluutilittatsinnut naatsorsuutiginninnerput annertusartariaqaripput, aamma taakku sulisinnaasortai sulisussatut naatsorsuutigalugit.

Soorunami ilisimavarput innarluut suna apeqquaalluni aamma sulisinnaanerup assigiinngisitaarnera, tamannalu aallaavigalugu pilersaarisorfigineqarsinnaapput.

Innarluutilittatta suliffissatigut periarfissinnerisigut aamma ilinniarnissamut aqqutissiuineq tunngavissineqarsinnaavoq, tamannalu iniusuttut ilinniagaqarnissaannut anguniakkamut naapertutissaaq.

Siunnersuutip pisortanut allaffissornikkut aningaasatigullu kingunissai:

Siunnersuut pisortanut allaffissornikkut aningaasatigullu kinguneqassaaq, apeqquaalluni sutigut periarfissariussineq ingerlanneqassanersoq. Periarfissaavoq aningaasaliissutaareersut iluini siunnersuut naammassisinnaallugu, taamaasiornikkut allaffissornikkut aningaasartutigiumaagassanillu atorluaaneq anguneqarsinnaavoq.

Siunnersuutip namminersortunut allaffissornikkut aningaasatigullu kingunissai:

Siunnersuut namminersortunut allaffissornikkut aningaasatigullu immikkut kinguneqassanngilaq.

Siunnersuutip innuttaasunut allaffissornikkut aningaasatigullu kingunissai:

Siunnersuut innuttaasunut allaffissornikkut aningaasatigullu kinguneqassanngilaq.